

# Dienelkander



## Nuusbrief van die Gereformeerde Kerk Potchefstroom-Oos

3 Februarie 2013

### OGGENDDIENS: ds Karel

**Skriflesing:** Romeine 11: 33-12:8

**Teks:** Romeine 12: 1-2

**Tema:** Die genade van God dring ons om lewende offers te wees deurdat Hy ons verander.

Het jy al ooit daaraan gedink dat jy vir maande aaneen in eredienste kan sit, maar in werklikheid is jy glad nie besig om God werklik, met oorgawe, te dien nie? Om God te dien is nie `n saak vir `n Sondag of net vir `n erediens nie. Om God te dien is `n lewensstyl waarin God my weer en weer verander deurdat my denke nuut gemaak word. Dit is `n lewenstyl waarin ek myself as `n lewende en heilige offer gee wat vir God aanneemlik is. Dit is `n lewenstyl waar ek as `n lewende lid van die gemeente my gawes gebruik in ooreenstemming met die maat van geloof wat God vir my gegee het.

#### Vooraf sang

Lied 284: 1, 2, 3; Lied 439: 1, 2 en

Lied 464: 1, 3, 4

#### Ontmoetingsdiens

Votum; Seëngroet; Loflied Ps. 92-2: 1, 2, 3, 5; Geloofsbelofte

#### Verootmoedigingsdiens

Wet: Romeine 3: 9-20; Sing Ps. 77-1: 1, 5,

6; Vryspreek: Romeine 7: 21-8:4

Sing: Ps. 36-2: 2, 3; Gebed.

### Woorddiens

Skriflesing; Sing Ps. 33-1: 2, 5, 11;  
Woordbediening

### Antwoorddiens

Gebed; Liefdegawes; Gebed vir BnB ;  
Sing Sb. 15-1: 1, 2, 3, 4; Seën; Amen  
Sb 13-2

### AANDDIENS: ds Piet

**Skriflesing:** Romeine 14: 13 - 23

**Teks:** Romeine 14: 17 - 18

**Tema:** Doen jy die belangrikste dinge in die koninkryk van God?

Ons kan so maklik besig raak met onbelangrike dinge in ons dienswerk aan die Here dat ons die hoofsake van dit waaroer die Koninkryk van God gaan, vergeet. Paulus gee raad aan die gemeente in Romeine oor 'n twispunt wat soveel van hulle tyd en krag in beslag gelê het dat hulle die belangrikste dinge van die koninkryk vergeet het. Waarmee is jy besig in jou diens aan die Here? Doen jy die belangrikste dinge?

#### Vooraf sang

Sb 18 - 3: 1+5, 8+9 (Mel ps 68 - 1)

Ps 95 - 2: 1,3

#### Ontmoetingsdiens

Votum, Seën (Lees Sb 19 - 3: 1 - 3 en sing direk na seën vers 4 op mel van ps 134-1); Lofsang Sb 5 - 4: 1,5,6.

## Woorddiens

Gebed, Skriflesing, Woordbediening.

## Antwoorddiens

Sing direk na Woordbediening Sb 17 - 1: 1,6; Gebed; Liefdegawes; Gebed vir BnB; Sing Sb 11 - 3: 1,4,7 (Mel Sb 16 - 1) Seën; Amenlied Sb 13 - 2.

## MEELEWING

- Johan en Charlotte Coetsee beleef geweldige pyn en frustrasie met sy operasie wat telkens in die Klerksdorpse Hospitaal op die nippertjie uitgestel word. Donderdag wag hy gereed voor die operasiesaal net om te hoor dat dit weer uitgestel is tot volgende week. (wyk 28 - 072 192 0446)
- Truida van der Walt se operasie het goed afgeloop en sy sterk reeds tuis aan. (wyk 19 - 076 015 8616)
- Rina van Deventer het 'n voetoperasie in 1 Militêre Hospitaal in Pretoria ondergaan en sterk tuis aan. (wyk 25 - 083 258 4802)
- Mariana Plotz (wyk 9 - 082 456 8023) se knie-operasie het goed afgeloop. Sy sterk tans tuis aan.
- Estelle van Hamburg (wyk 31 - 082 779 1401) het Donderdagmiddag geval en haar heup gebreek. Sy het Vrydagoggend 'n heupvervanging ondergaan.
- Kola Kruger (wyk 17 - 072 364 7124) het Donderdag 'n operasie in Klerksdorp ondergaan. Alles het goed afgeloop.
- Tannie Marietjie Scheepers (wyk 1 - 083 391 0730) se skoonsuster is die afgelope week oorlede.

**Ons bid dat die Here spoedig beterskap en herstel sal gee.**

## ONS DINK OOK AAN DIE VOLGENDE LIDMATE WAT SUKKEL MET SIEKTE OF SWAK GESONDHEID

Br Hennie vd Berg, Sr Sannie Reyneke, Sr Filina Coetsee, Sr Hettie Viljoen, Sr Marianne Kruger, Sr Bettie Ras en Sr Janet vd Walt.

## BAIE WELKOM AAN:

Danie en Liezl Potgieter wat met attestaat vanaf Cachet by ons aangesluit het. Hy is 6 de jaar teologiese student. Hulle woon in Villa Lou Anne meenthuis nr 76, wyk 34.

## BAIE GELUK

Elize Schutte het nog 'n kleinkind ryker geword - haar seun Hannes en sy vroujie het Vrydagoggend die nuweling verwelkom.

## ONDERSTEUNING VIR SIEKES

**Vir ondersteuning of besoeke deur die hospitaalbesoeke-diensgroep, skakel vir:**

Anna Smith	082 765 9813
Hantie Grobler	082 675 3893 / 018 290 6013
Marian de Kock	082 950 4358
Marique Reichel	082 657 4508
Annatjie Grobler	073 258 7833/ 018 290 9974

of e-pos [siekies@oosdoppers.co.za](mailto:siekies@oosdoppers.co.za)

## AFKONDIGINGS

**Die volgende aktiwiteite vind DV hierdie week plaas:**

**Vandag**

09:30 Gebedsgroep in Elim

10:00 Oggenddiens

Kleuterbediening

Tee en koffie in die Skuur

Katkisasie

**16:30** Diakonie vergadering

18:00 Aanddiens

## **Maandag**

08:00 Kinderevangelisasie Konferensie  
by Crista Galli  
17:15 Katkisasie (Gr. 9)  
18:00 Gholfdagkomitee vergader  
19:00 Bestuurskommissie

## **Dinsdag**

06:00 Manne Ondersteuningsgroep  
08:00 Kinderevangelisasie Konferensie by  
Christa Galli  
08:00 Amptelike opening van die TSP  
18:00 Eiendomskommissie

## **Woensdag**

Sal bevestig word Katkisasie (Gr. 8)  
16:30 Katkisasie (Gr. 10)  
17:15 Katkisasie (Gr. 11)  
17:45 Teologiese studente Bybelstudie  
**19:00 Jeugkommissie en alle kategete  
vergader**  
19:00 Beginpunt  
KOMMISSIE VERSLAE IN

## **Donderdag**

18:30 Toerusting: Diakonie  
18:30 Wyksbyeenkoms: Wyk 8 & 9

## **VERJAARSDAE**

**Baie geluk aan almal wat DV diè week  
verjaar!**

## **Sondag, 3 Februarie**

Br Willem Aucamp 082 873 7777

## **Maandag, 4 Februarie**

Sr Miems Labuschagne(82) 083 661 9362  
Sr Alida Huisman (80)  
Br Bennie v Emmenis 083 647 3685

## **Dinsdag, 5 Februarie**

Jbr Marko Werkman 018 290 9844

## **Woensdag, 6 Februarie**

Sr Nansi de Klerk (82) 072 199 6339

## **Donderdag, 7 Februarie**

Jbr Eddie Coetsee 072 567 8951

## **Vrydag, 8 Februarie**

Sr Liezl Fourie 073 405 2121

## **ANDER AFKONDIGINGS**

- Liefdegawe vanoggend vir Barmhartigheid.
- Gawe by die deure vanoggend vir Topia.
- Gawe volgende Sondag vir die Dankbaarheidsfonds.
- Vrywillige bydrae vir voertuigsekuriteit kan in die bussies by deure gesit word.
- Diensbeurte: Wyk 9 en 10.
- Orreliste vandag: Oggenddiens Jetty van Rensburg en aanddiens Rineke Viljoen.

## **BEGINPUNT**

Beginpunt het Woensdag weer begin! As jy lus is om saam met ander jongmense te groei in jou geloof en jy wil graag die warmte van ander gelowiges beleef, is hierdie die plek en geleentheid vir jou! Sien julle Woensdagaand om 19:00 in Elim!

## **GEMEENTEBEDIENING WERKSWINKEL**

Baie dankie aan al ons kerkraadslede en lidmate wat saam kom Bybelstudie doen het en saam gesoek het na nuwe bedieningsfokusse vir ons gemeente. Die werksdokument sal nou gefinaliseer word om voor die kerkraad te dien en finaal goedgekeur te word. Daarna sal dit op verskillende wyses in die gemeente bekend gemaak en bedien word. Ons glo dat die Here hierdie bedieningsfokusse sal seën tot opbou en tot groei van ons gemeente en van Sy koninkryk.

## **JEUGAKSIE**

### **Wildebeestrun**

Die tweede Wildebeestrun vind plaas op Saterdag 16 Februarie by Manzini Wildsplaas. Hardlopers bo 16 jaar kan op die Internet inskryf by [www.wildebeestrun.co.za](http://www.wildebeestrun.co.za). Kontak Marna Naudé by 083 237 8810 vir meer inligting.

### **Jeugaksie**

Die eerste Oosdopper jeugaksie vind vanjaar saam met die Wildebeestrun plaas by Manzini Wildsplaas. Die geleentheid gaan benut word om 'n kenmekaar saam met ouers, kategete en kinders te hou. Ouers en katkisante word aangemoedig om die geleentheid by te woon. Diegene wat dit nie kan bywoon nie, moet asseblief by hulle kategete verskoning maak.

Gr. R tot Gr. 11 gaan vir 5 km fietsry – of stap indien jy dit verkies. Ouers en kategete kan saamry of -stap of onder die bome saamkuier. Agterna sal etes en koeldrank te koop aangebied word deur ons eie susters.

Inskrywings geskied vanaf 7:30 by Manzini sodat ons 8:00 kan begin fietsry. Teen 11:00 behoort alles afgeloop te wees. Die koste is R10 per fietsryer, stapper of kuiergas. Onthou jou sonbrandroom, hoed, tekkies, waterbottel en swemklere. Daar is 'n swembad waarin heerlik afgekoel kan word.

Vir rygeleenthede kontak Johannes van As of Marie Oosthuizen. Ons hoop om almal daar te sien!

Jeugkommissie

### **JEUGKOMMISSIE EN ALLE KATEGETE**

Die lede van die Jeugkommissie en al die kategete kom Woensdag, 6 Februarie om 19:00 by die kerk bymekaar om die uitstappie se beplanning te finaliseer.

Maak asb verskoning by Johannes v As indien u dit nie kan bywoon nie.

## **BOTSWANA UITREIK VERVERSINGS**

Ons belydenisklas onderneem elke jaar in die Oktobervakansie 'n uitreik na Botswana. Ons gemeente help hulle om hierdie uitreik finansieel moontlik te maak deurdat elke katkisasieklassie geleentheid kry om op 'n Sondag verversings te bring wat in die voorportaal van die saal geplaas word.

U kan van hierdie verversings neem vir 'n donasie wat u in die houer op die tafel plaas.

Baie dankie aan die Gr 0 en Gr 1 ouers wat vandag regstaan. Die kategete van die klasse moet onthou dat julle en julle klassies vandag die verversings bedien en lidmate daar ontvang en na die tyd opruim.

### **KATKISASIE KINDERS**

Lieve Kinders: die susters nooi julle uit om direk na katkisasie gou vir jou 'n ysie te kom haal in die kombuis.

### **WYKSBYEENKOMSTE**

Wyke 8 en 9 sou op 14 Februarie 'n gesamentlike wyksbyeenkoms gehou het. Let asseblief daarop dat hierdie byeenkoms 'n week vervroeg na **7 Februarie**, om 18:30 in die Skuur. Ons hoop om elkeen van julle daar te sien!

### **KENNISGEWINGBORD**

- TOER: Ds Blok Franck neem 'n toerna Israel en Jordanië DV 1 – 14 April 2013. Belangstellendes kan hom kontak by: 084 580 2279 / 036 631 3861.
- Septembervakansie na Klein-Asië.

## **DIAKONIE - KOSKAS**

Lieve gemeente! Ons diakonie se koskas word gebruik om 'n paar gesinne maandeliks te voorsien van kos. Alhoewel die bydraes verlede jaar baie goed was, is die koskas weer baie leeg. Ons moedig u aan om asb op 'n gereelde basis vir ons koskas bydraes in die vorm van blikkies kos, mieliemeel, pasta, rys ens. te maak. Ons waardeer u bydraes baie!

## **BAIE DANKIE**

Ons wil graag vir Wessels Reitsma bedank vir die fiets wat hy geskenk het sodat ds Nkili van Ikageng maklik oor die weg kan kom. Dankie ook aan oom Grobbie wat bereid was om finansieel te help om 'n fiets aan te koop.

## **OOSDOPPER GEMEENTEKAMP 2013**

**Wanneer?** 15 - 17 Maart 2013

**Waar?** Weltevrede Vakansie-Oord

**Tema?** Vervolging

Lieve gemeente, die kampkomitee doen moeite om vir ons 'n gesellige kamp te reël met insiggewende besprekings, lekker saam kuier en saam speel.

Kom deel in ons pret ! Dit is 'n onvergeetlike ervaring!

Daar is nog **1 huis** met 'n dubbelbed en 1 enkelbed beskikbaar @ R375 p/p.

Dan is daar nog **18 kampeerplekke** beskikbaar, R380 vir eerste 2 persone, daarna R140 p/p, kinders onder 5 is gratis. (Maks. 4 persone per staanplek)

### **Etes:**

Vrydagaand kan daar 'n ligte aandete bestel word @ R25 elk.

Saterdagmiddag is daar Hamburgers beskikbaar op bestelling @ R25 elk.

Ete bestellings moet vooraf by Anna Smith of Adele ingegee word.

Die inkomste van die etes word aangewend vir 'n uitreik na die Seychelles.

Saterdagaand word 'n bring-en-braai gehou. Die komitee sorg vir pap en sous. Elkeen bring sy eie vleis en bykosse.

Elke gesin bring 'n pakkie beskuit en kleinkoekies asook 1 L melk vir gebruik in die saal. Die res van die etes is elke gesin se eie verantwoordelikheid.

**Dagbesoekers** is ook welkom @R50 p/persoon.

Besprekingslyste in die voorportaal van die Skuur of skakel die kerkkantoor!

Kampkomitee groete

## **KINDEREVANGELISASIE KONFERENSIE**

'n Werkswinkel wat handel oor die noodsaak dat elke gemeente haar moet toespits op kinders word vanaf 4 tot 6 Februarie deur ons gemeente vir die kerke van Ikageng aangebied. In baie kerke word kinders nie werklik geag nie en die Afrikaanse spreekwoord "kinders moet gesien maar nie gehoor word nie" word toegepas. Nie bewustelik nie maar as mens gaan kyk na wat in die kerklike gebeur sien jy die spreekwoord-lewe.

Die doel van die werkswinkel is:

1. Die konteks waarbinne die kinders opgroei te ontleed om daardeur vas te stel watter faktore hul lewensuitkyk beïnvloed en vorm.
2. Om te ontleed watter invloed die kerk en gelowiges in die algemeen op hulle het.
3. Om 'n studie te doen oor hoe belangrik kinders vir die Here is en wat Hy wil hê die rol van die kerk moet wees.
4. Om saam te dink en te beplan sodat ons die rol vervul, volgens Sy wil.

Ons versoek dat u sal bid dat die Here hierdie werkswinkel sal gebruik om Sy naam te eer en dat kinders as gevolg van hierdie werkswinkel na Hom gelei sal word.

Dank Hom vir die kerkleiers wat reeds hierby betrokke is en bid vir ons poging om gevangeniskapelane van Bybels te voorsien en met hulle opleiding te help. Bid ook vir ons Bybelvertalings - , MIV/Vigs- en geletterdheidsprojekte.

## **NUUS VAN DIE AMANDELBLOEISELS**

Die Amandelbloeisels het die nuwe jaar betree en saam met Tant Hester Buys haar 90 ste verjaarsdag herdenk. Soos gewoonlik het ons sameroepsters dit vir ons so aangenaam as moontlik gemaak, en het ons groot waardering daarvoor.

Ds Karel het spesiaal vir tannie Hester Psalm 16 voorgelees. Ten spyte van droefheid, vreugde en teënspoed kan sy saam met die digter bely: "Wat ek ontvang kom alles van U af. 'n Pragtige deel is vir my afgemeet, Ja, wat ek ontvang het is vir my mooi."

Almal wat verjaar het, is gelukgewens en ontvang hulle 'n klein geskenkie. Saam sing ons hulle toe die Seënbede, op die nuwe lewensjaar wat hulle betree het. Ons het gesellig gekuier, 'n koppie tee en verversings geniet en so ons eerste samekoms van 2013 afgesluit.

## **GEBEDE VIR BEDIENING NA BUISTE UIT "DIE SAAIER"**

*Tanzanië:* Dank die Here vir die vordering met ons Faith Comes By Hearingprogram asook vir ons program vir MIV/Vigs-lyers. Bid asb vir al ons Bybelvertalingsprojekte. Bid ook dat deur die Bybels wat ons in skole plaas om te help met Godsdiensonderrig, baie kinders die Here sal leer ken. Bid vir ons verhouding met die kerke in Tanzanië, dat hulle meer bewus sal word van die werk van die Bybelgenootskap.

*Demokratiese Republiek van Kongo:* Dank die Here vir vordering met ons werk om gevangenes met die Woord te bereik.

## **WÊRELD KANKERDAG WORD OP 4 FEBRUARIE HERDENK**

Om hierdie 'n spesiale geleentheid te maak is daar op Saterdagaand 2 Februarie 2013 om 18:30 vir 19:00 'n kersaansteekseremonie op die trappe van Mooirivier Mall by Dulcé Café se ingang sodat die lewe gevier kan word en ons diegene wat nie meer by ons is nie, kan onthou. Kersies kan vooraf by Dis-Chem, Kampus Aptiek en KANSA kantoor aangekoop word en met die aand se verrigtinge sal verversings by Dulcé Café te koop wees. Inkomste word na KANSA Potchefstroom gegenereer. Daar sal ook 'n kort program die aand aangebied word.

## **BEROEPE NUUS**

Klassis Molopo het die volgende proponente beroepbaar gestel:  
Tebogo Victor Moruri (083 925 0132)  
Rynhardt Jacobus Pretorius (074 944 7769)

# SUSTERS



## TEESKINKGELEENTHEID

Tee word vandag in die skuur bedien deur wyke 16, 17 en 18 . Dankie vir die susters wat met die bediening en opruiming help.  
Daar is vandag weer poeding beskikbaar teen 'n donasie. Die geld wat hiermee geïn word, word vir die Koningskinders aangewend.

## KWARTAAL PROGRAM

Eerste Kwartaal				
DATUM	DAG	TYD	WIE	WAT
17-Feb	Sondag	16:00	Blok D	Kerkraadsvergadering - verversings
<b>19-Feb</b>	<b>Dinsdag</b>	<b>19:00</b>	<b>Blok C</b>	<b>Sustersamekoms</b>
22-Feb	Vrydag	10:00	Almal	Pa-en seun Golfdag
3 Mrt	Sondag	19:00	Blok A	Ouderlingevergadering - verversings
09 Mrt	Saterdag	09:00	Naamlys	Sustersaamtrek
10 Mrt	Sondag	12:00	Blok B	Nagmaal & ete
15 Mrt	Vrydag	18:00	Naamlys	Gemeentekamp

## SUSTERSAMEKOMS

Ons eerste geleentheid die jaar vind plaas op 19 Februarie 2012 om 19:00. Susters hou hierdie datum oop vir 'n spesiale toerustingsgeleentheid vir al ons susters.

## SUSTERSAAMTREK

Lieve susters!

Bult-gemeente nooi ons uit na die jaarlikse Sustersaamtrek op 9 Maart om 9:00 te Molenstraat.

Aangesien dit hier in Potchefstroom is wil ons julle almal aanmoedig om dit te probeer bywoon.

Dit gaan 'n heerlike kuiergeleentheid wees saam met medegelowiges.

Kostes beloop R90 p/persoon en Santie Britz is die spreker.

Baie belangrik is dat die besprekings op 18 Februarie sluit.

Skryf asb u naam op by die kennisgewing in die Skuur en betaal by Adele Delpot of Susan Lourens.

## **MELKFONDS**

Ons herinner u aan ons melkfonds – ons wend die geld aan om elke Sondag die bederf van melkkoffie te kan geniet! Ons waardeer u bydraes hiervoor baie!

## **WARMHARTIGE BLIKKIES**

Die doel van die koeldrank blikkies op die kas in die voorportaal van die kerk is dat almal hulle lastige kleingeld in een van die blikkies sal goo en die vol blikkie vir ons in die voorportaal van die kerk op die kas sal neersit. Die geld word gebruik om blomme of iets toepasliks aan te koop vir iemand wat deur beproeing gaan.

Ons wil vra dat u gerus 'n blikkie neem en vir ons vol terug bring.

## **KATKISASIE KINDERS**

Lieve katkisante: die sisters nooi julle uit om direk na katkisasie gou vir jou 'n ysie te kom haal in die kombuis.

## **BAIE DANKIE AAN ONS BORG VAN DIE WEEK!**



## **KWALITEIT – BETROUBAARHEID - ONDERSTEUNING**

### **WATER IS LEWE...DINK VOOR JY DRINK!**

**Ons dien die gemeenskap met:**

- Wye reeks TRU-OSMOSE-suiweraars
- Hoogstaande kundigheid en eerlike advies;
- Slegs KLAS A produkte en onderdele.

**Suiwer water ook by ons waterwinkel  
(langs KFC) Retiefstraat, Potchefstroom.**

**Vir sorgvrye gebruik en nasorg,  
skakel Pieter Bredenkamp 082 8797 507**